

Ўзбекистон Республикасида истеъмол нархлари индекси (ИНИ)

2026 йил апрель ойи

Маълумотлар жадвалига ҳаволалар:

[МИИТ – 2018 бўлимлари бўйича истеъмол нархлари индекси](#)

[Ўзбекистон Республикаси бўйича барча товар ва хизматлар нархлари индекси, ўтган ойга нисбатан](#)

- I. Ўзбекистон Республикаси бўйича йиғма ИНИ
- II. Ҳудудлар кесимида йиғма ИНИ
- III. Ўзбекистон Республикаси бўйича асосий гуруҳлардаги ИНИ
- IV. Йиғма ИНИ ўзгаришига МИИТ – 2018 бўлимларининг таъсир тузилмаси
- V. Геометрик Янг формуласи бўйича ИНИ (таҳлилий мақсадлар учун)
- VI. Услубий маълумотлар
- VII. Фойдали ҳаволалар


I. Ўзбекистон Республикаси бўйича йиғма ИНИ

2026 йил апрель ойида йиғма ИНИ ойлик кўрсаткичи **100,6 %**, 2025 йилнинг декабрига нисбатан **102,5 %**, йиллик нисбатда **107,0 %** ни ташкил этди.

[Таққослаш учун:](#) 2025 йил апрель ойида йиғма ИНИ ойлик кўрсаткичи **100,7 %**, 2024 йилнинг декабрига нисбатан **102,9 %**, йиллик нисбатда **110,1 %** ни ташкил этган.

Мева ва сабзавот маҳсулотлари нархларининг ўзгаришини ҳисобга олмаганда, ойлик ИНИ кўрсаткичи **100,6 %** (2025 йил апрель ойида **100,7 %**), 2026 йилнинг январь-апрель ойларида **102,1 %** (2025 йил январь-апрель ойларида **102,3 %**), йиллик нисбатда **107,6 %** (2025 йил апрель ойида **112,3 %**)ни ташкил этди.

Ўзбекистон Республикаси бўйича ИНИ динамикаси, ўсиш (пасайиш) суръати %да



Қуйида МИИТ – 2018 бўлимлари бўйича 2026 йилнинг апрель ойида асосий товарлар ва хизматлар нархларининг ўзгаришлари келтирилган:

Озиқ-овқат маҳсулотлари ва спиртсиз ичимликлар бўлими

Ой давомида асосий озиқ-овқат маҳсулотларидан қўй гўшти – **3,7 %** (2025 йил апрель ойига нисбатан **+20,3 %**)га, суякли мол гўшти – **3,2 %** (2025 йил апрель ойига нисбатан **+16,6 %**)га, суяксиз мол гўшти – **3,2 %** (2025 йил апрель ойига нисбатан **+17,3 %**)га, гўшт қиймаси – **2,9 %** (2025 йил апрель ойига нисбатан **+14,1 %**)га, шакар – **2,2 %** (2025 йил апрель ойига нисбатан **+2,1 %**)га, тирик ва совутилган балиқ – **2,0 %** (2025 йил апрель ойига нисбатан **+6,2 %**)га, ўсимлик ёғи – ўртача **0,8 %** (2025 йил апрель ойига нисбатан **+10,6 %**)га ва сут нархлари ўртача **0,4 %** (2025 йил апрель ойига нисбатан **+5,6 %**)га ўсиши кузатилди.

[Маълумот учун:](#) 2026 йил апрель ойида импорт (бир кг учун 5 000 сўмдан 15 000 сўмгача бўлган оралиқда ўсиш) ва маҳаллий (бир кг учун 2 000 сўмдан 5 000 сўмгача бўлган оралиқда ўсиш) мол гўшти нархларида ўзгариш кузатилди.

Ой давомида асосан тухум – **3,6 %** (2025 йил апрель ойига нисбатан **+16,7 %**)га, гуруч ва гуруч оқшоғи – **1,1 %** (2025 йил апрель ойига нисбатан **-12,8 %**)га, парранда гўшти – **1,2-1,3 %** оралиғида (2025 йил апрель ойига нисбатан **+4,6 – +5,7 %**) нархларининг пасайиши кузатилди.

Асосий мева-сабзавот маҳсулотларидан булғор қалампири – **10,3 %** (2025 йил апрель ойига нисбатан **-4,0 %**)га, картошка – **6,5 %** (2025 йил апрель ойига нисбатан **+18,9 %**)га, олма – **4,5 %** (2025 йил апрель ойига нисбатан **+23,3 %**)га, сабзи – **3,2 %** (2025 йил апрель ойига нисбатан **-10,4 %**)га нархлари ошди. Бодринг – **26,1 %** (2025 йил апрель ойига нисбатан **-8,9 %**)га, кўкатлар – **3,3 %** (2025 йил апрель ойига нисбатан **-4,5 %**)га, пиёз – **2,7 %** (2025 йил апрель ойига нисбатан **-21,5 %**)га, помидор – **2,4 %** (2025 йил апрель ойига нисбатан **-7,7 %**)га, карам – **2,4 %** (2025 йил апрель ойига нисбатан **-9,8 %**)га, банан нархлари – **1,3 %** (2025 йил апрель ойига нисбатан **+3,9 %**)га пасайди.

Турар жой хизматлари, сув, электр, газ ва бошқа ёнилғи турлари бўлими

Жорий йилнинг апрель ойида асосий коммунал хизматлардан фақат маиший чиқиндиларни олиб чиқиб кетиш хизматлари учун тарифлар ошиши қайд этилди. Республика бўйича ушбу хизмат тури ўртача **2,4 %** (2025 йил апрель ойига нисбатан **+28,0 %**)га қимматлашди.

Ой давомида турар жой биноларига хизмат кўрсатиш ва таъмирлаш учун материаллар ўртача **0,7 %** (2025 йил апрель ойига нисбатан **+7,1 %**)га, уй-жойларни таъмирлаш ва уларга хизмат кўрсатиш билан шуғулланадиган мутахассислар хизматлари ўртача **0,3 %** (2025 йил апрель ойига нисбатан **+5,9 %**)га қимматлашди. Уй-жой ижараси тўлови **0,6 %** (2025 йил апрель ойига нисбатан **+2,5 %**)га ошди. 2026 йил апрель ойида тошқўмирнинг (бозор) нархлари бир ойда **0,7 %**га пасайгани қайд этилди.

Соғлиқни сақлаш хизматлари бўлими

Соғлиқни сақлаш соҳасида ой давомида диагностик визуализация ва тиббий лабораториялар хизматлари ўртача **0,6 %** (2025 йил апрель ойига нисбатан **+7,7 %**)га, кўз учун ёрдамчи маҳсулотлар **0,6 %** (2025 йил апрель ойига нисбатан **+3,1 %**)га, стоматологик хизматлар **0,3 %** (2025 йил апрель ойига нисбатан **+4,4 %**)га қимматлашди.

Транспорт бўлими

Ой давомида бензин учун ўртача истеъмол нархлари даражаси **1,4 %** (2025 йил апрель ойига нисбатан **+11,2 %**)га ошди. Бунда, бензиннинг АИ-92 маркаси – **1,6 %**га, АИ-95 маркаси – **0,9 %**га, АИ-98 ва АИ-100 маркалари эса – **0,2 %**га қимматлашди. Пропаннинг нархи ой давомида **2,8 %** (2025 йил апрель ойига нисбатан **+16,7 %**)га арзонлашиб, 1 литр учун юқори нарх чегараси **7 000** сўмни ташкил этди. 2026 йил апрель ойида метан нархи **0,7 %** (2025 йил апрель ойига нисбатан **+27,9 %**)га ошиб, 1 м.куб учун юқори нарх чегараси **5 400** сўмни ташкил этди. Автотураргоҳлар хизмати **0,8 %** (2025 йил апрель ойига нисбатан **+11,8 %**)га қимматлашди.

Йўловчи ташиш транспорти хизматларидан қуйидаги турлари бўйича нархлар ва тарифларнинг ошиши қайд этилди: халқаро йўналишлар бўйича авиақатновлар – **2,6 %** (2025 йил апрель ойига нисбатан **-7,9 %**)га, ички йўналишлар бўйича авиақатновлар – **2,3 %** (2025 йил апрель ойига нисбатан **-13,1 %**)га, шаҳар автобусларида йўл ҳақи – **1,6 %** (2025 йил апрель ойига нисбатан **+16,4 %**)га, узоқ масофага қатновчи поездлар – **1,4 %** (2025 йил апрель ойига нисбатан **+13,6 %**)га ошди.

Товарларни ташиш хизматларидан тайёр овқат етказиб бериш хизматлари нархларининг ўсиши қайд этилди (бир ойда **+0,8 %**, 2025 йил апрель ойига нисбатан **+4,5 %**).

Маиший товарлар ва хизматлар, турли товарлар ва хизматлар бўлими

2026 йил апрель ойида бўлимдаги товарлар ва хизматлар учун қисқа муддатли ИНИ юқори чегараси **102,9 %** (шампунлар)ни, қуйи чегараси **99,6 %** (қўл соатлари, чўнтак

соатлари ва секундомерлар)ни ташкил этди.

Йиллик ИНИ бўйича кўрсаткичлар чегараси **127,6** %дан (қимматбаҳо металллардан ясалган никоҳ узуклари) – **100,1** %гача (ёш болалар тагликлари) оралиғида кузатилди.

Бошқа бўлимларда товар ва хизмат нархлари ўзгариши таъсири юқори бўлмади ёки йиғма кўрсаткичга сезиларли даражада таъсир қилмади.

2026 йилнинг апрель ойда МИИТ – 2018 бўлимлари бўйича ИНИ, % да

Бўлим номи	2026 йилнинг мартига нисбатан	2025 йилнинг декабрига нисбатан	2025 йилнинг апрелига нисбатан
I. Озиқ-овқат маҳсулотлари ва спиртсиз ичимликлар	100,9	104,0	105,7
II. Спиртли ичимликлар ва тамаки маҳсулотлари	101,7	102,6	106,5
III. Кийимлар ва пойабзаллар	100,2	100,9	102,6
IV. Турар жой хизматлари, сув, электр, газ ва бошқа ёнилғи турлари	100,4	101,3	117,2
V. Уй-рўзғор асбоблари, маиший техника ва турар жойларга кундалик хизмат кўрсатиш	100,2	101,2	102,3
VI. Соғлиқни сақлаш	100,2	101,9	104,4
VII. Транспорт	100,5	101,1	109,7
VIII. Ахборот ва алоқа	100,0	101,2	106,5
IX. Дам олиш, спорт ва маданият	100,2	101,1	104,7
X. Таълим соҳасидаги хизматлар	100,0	100,3	101,7
XI. Ресторанлар ва меҳмонхоналар хизматлари	101,3	103,4	108,6
XII. Суғурталаш ва молиявий хизматлар	101,0	142,4	141,7
XIII. Маиший товарлар ва хизматлар, турли товарлар ва хизматлар	100,8	103,0	107,7

II. Ҳудудлар кесимида йиғма ИНИ

Ҳудудлар кесимида қисқа муддатли ва йиллик ИНИ бўйича ўртача республика кўрсаткичидан катта фарқ қайд этилмади.

2026 йилнинг апрель ойда ҳудудлар бўйича ИНИ, % да


Ҳудудлар	2026 йилнинг мартига нисбатан	2025 йилнинг декабрига нисбатан	2025 йилнинг апрелига нисбатан
Қорақалпоғистон Республикаси	100,5	102,4	107,4
вилоятлар:			
Андижон	100,6	102,5	106,9
Бухоро	100,5	102,3	106,9
Жиззах	100,5	102,4	106,3
Қашқадарё	100,7	102,9	107,1
Навоий	100,5	102,8	107,0
Наманган	100,6	102,5	107,0
Самарқанд	100,6	102,6	106,8
Сурхондарё	100,6	102,5	106,9
Сирдарё	100,5	102,3	107,2
Тошкент	100,8	102,7	107,0
Фарғона	100,6	102,4	107,1
Хоразм	100,5	102,4	107,3
Тошкент ш.	100,6	102,6	106,9

IV. Йиғма ИНИ ўзгаришига МИИТ – 2018 бўлимларининг таъсир тузилмаси

2026 йилнинг апрель ойидаги қисқа муддатли йиғма кўрсаткичга “Озиқ-овқат ва спиртсиз ичимликлар” юқори таъсир кўрсатиб, ИНИ кўрсаткичини **0,37 ф.д.**га (умумий ўсишнинг **62,7 %** и) кўтарди. “Транспорт” бўлимидаги нарх ўзгаришлари ойлик йиғма кўрсаткични жами ҳисобда **0,05 ф.д.**га оширди. “Турар жой хизматлари, сув, электр, газ ва бошқа ёнилғи турлари” ва “Маиший товарлар ва хизматлар, турли товарлар ва хизматлар” бўлимларида нархларнинг ўсиши ҳисобига йиғма кўрсаткич жами ҳисобда **0,08 ф.д.**га юқори бўлди. Қолган бўлимларнинг таъсири сезиларли даражада бўлмади (умумий ҳисобда **+0,09 ф.д.**).

МИИТ – 2018 бўлимларининг 2026 йил апрель ойида йиғма ИНИ ўзгаришига таъсири, ф.д.


ўтган ойга нисбатан



Жами таъсири

+0,59 ф.д.

ўтган йилнинг декабрига нисбатан



Жами таъсири

+2,53 ф.д.

2026 йил январь–апрель ойида йиғма ИНИ ўсишига “Озиқ-овқат маҳсулотлари ва спиртсиз ичимликлар” бўлимидаги нархлар ўзгариши энг катта ҳисса қўшди (**+1,56 ф.д.**, ёки жами таъсирнинг **61,7 %**). Бошқа бўлимларнинг умумий ҳиссаси **0,97 ф.д.**ни ташкил этди.

V. Геометрик Янг формуласи бўйича ИНИ (таҳлилий мақсадлар учун)

2026 йил январь ойидан бошлаб Миллий статистика қўмитаси геометрик Янг формуласи асосида қўшимча ИНИни шакллантириб келмоқда. **Мазкур индекс фақат таҳлилий мақсадларда қўлланилади ва юқорида эълон қилинган асосий ИНИнинг ўрнини босмайди ёки унга муқобил ҳисобланмайди** (батафсил маълумот “Услубий маълумотлар” бўлимининг VI бандида келтирилган).

2026 йил апрель ойида геометрик Янг формуласи бўйича ойлик ИНИ **100,5** %ни, 2025 йил декабрга нисбатан **102,3** %ни ташкил этди.

2026 йил апрель ойи учун геометрик Янг формуласи бўйича ИНИ, %да (ТАҲЛИЛИЙ МАҚСАДЛАР УЧУН)

Бўлим номи	2026 йилнинг мартига нисбатан	2025 йилнинг декабрга нисбатан
I. Озиқ-овқат маҳсулотлари ва спиртсиз ичимликлар	100,7	103,5
II. Спиртли ичимликлар ва тамаки маҳсулотлари	101,7	102,6
III. Кийимлар ва пойабзаллар	100,2	100,9
IV. Турар жой хизматлари, сув, электр, газ ва бошқа ёнилғи турлари	100,3	101,3
V. Уй-рўзғор асбоблари, маиший техника ва турар жойларга кундалик хизмат кўрсатиш	100,2	101,2
VI. Соғлиқни сақлаш	100,2	101,9
VII. Транспорт	100,4	101,0
VIII. Ахборот ва алоқа	100,0	101,2
IX. Дам олиш, спорт ва маданият	100,2	101,1
X. Таълим соҳасидаги хизматлар	100,0	100,3
XI. Ресторанлар ва меҳмонхоналар хизматлари	101,3	103,4
XII. Суғурталаш ва молиявий хизматлар	101,4	123,1
XIII. Маиший товарлар ва хизматлар, турли товарлар ва хизматлар	100,8	103,0

VI. Услубий маълумотлар

2026 йил январидан бошлаб Истеъмол нархлари индексининг ойлик ҳисоб-китоби 517 та товар ва хизмат турига (2025 йилда – 510 та) асосланади, шундан 419 таси товар ва 98 таси хизматлардир.

ИНИ ҳисоб-китоблари (1) салмоқ вазнларини шакллантиришга хизмат қиладиган аҳоли харажатларининг тузилмаси тўғрисидаги маълумотлар (уй хўжаликлари танланма кузатуви маълумотлари) ва (2) истеъмол нархлари ўзгаришлари тўғрисидаги маълумотлар асосида амалга оширилади.

Нархлар тўғрисидаги маълумотлар ҳудудларнинг ижтимоий-иқтисодий, географик ҳолатини акс эттиришини ва истеъмол бозорининг товарлар ва хизматлар билан тўйинганлик даражасини ҳисобга олган ҳолда танлаб олинган Нукус шаҳри, Тошкент шаҳри, вилоятлар марказлари ва танланма асосда шаҳарлар ва туманлар марказларидан тўпланади.

Товарлар ва хизматлар нархлари ва тарифлари кузатуви турғун савдо ва хизмат кўрсатиш соҳаси шаҳобчалари ва кўчма савдо (палатка, расталар в.б.) объектларида танланма асосида ўтказилади.

Ҳисоб-китобларда қуйидаги манбалардан олинган нарх ўзгариши ҳақидаги маълумотлар қўлланилади:

(1) СAPI¹ технологиясига асосланган маълумотлар (чакана савдо дўконларига ташриф буюриб нархларни рўйхатдан ўтказиш);

(2) маъмурий транзакцион маълумотлар (солиқ органлари маълумотлар базасидан онлайн-касса машиналари чек маълумотлари);

(3) eStat² тизими орқали хизмат кўрсатувчи провайдерлардан ва чакана сотувчилардан олинган маълумотлар (API³ /Excel форматида);

(4) web scraping⁴ технологиясига асосланган ва турли хил онлайн манбалар (веб-сайт маълумотлари) дан олинган нархлар;

(5) CATI⁵ технологиясига асосланган маълумотлар (телефон орқали сўровномалар).

Нархларни йиғиш ҳар ойнинг 1-санасидан 25-санасигача бўлган даврда амалга оширилади. Нархларни тўплашнинг ҳар бир усули ва манбаси учун алоҳида график белгиланган бўлиб, у халқаро стандартлар тавсиялари асосида тайёрланган ва 2026 йил январь ойидан жорий этилган янгиланган методикада мустаҳкамлаб қўйилган.

ХВЖ экспертлари томонидан Ўзбекистон Республикаси Миллий статистика қўмитасига модификацияланган арифметик Янг формуласини жорий этиш қисқа муддатли истиқболда тавсия этилган.

Таҳлилий мақсадлар ва республикадаги инфляциян жараёнларни комплекс баҳолаш учун 2026 йил январдан бошлаб **геометрик Янг формуласининг муқобил вариантдан фойдаланиб, қўшимча нарх индексини шакллантириш бошланди**. Ушбу ҳисоб-китоблар натижалари доимо "Таҳлилий мақсадлар учун" деган белги билан эълон қилиб борилади.

Модификацияланган арифметик Янг формуласи асосида шаклланган ИНИ истеъмол секторидаги инфляциянинг асосий кўрсаткичи бўлиб хизмат қилади. Геометрик Янг формуласи бўйича ҳисобланган ИНИ эса таҳлил мақсадлари учун қўшимча кўрсаткич сифатида қўлланилади.

Халқаро валюта жамғармаси мутахассислари томонидан ўрта муддатли истиқболда Ўзбекистон Республикаси Миллий статистика қўмитасига геометрик Янг формуласини жорий этиш тавсия этилган.

2026 йил январь ойидан кучга кирган методологиядаги ўзгаришлар **"Ўзбекистон Республикасида нархлар индексларини шакллантириш методологиясидаги асосий ўзгаришлар тўғрисида"ги пресс-релиз**да батафсил ёритилган.

VII. Фойдали ҳаволалар

[Истеъмол нархлари индексини ҳисоблаш бўйича услубий низом](#)

[Ўзбекистон Республикаси Мақсадлар бўйича индивидуал истеъмол таснифлагичи \(ЎР МИИТ - 2018\)](#)

[Истеъмол нархлари индекси бўйича қўлланма: концепция ва услубият \(2020\)](#)

Чоп этиш учун масъул:
Нархлар статистикаси
бошқармаси

Манзил: 100170, Тошкент,
Мустақиллик шоҳ кўчаси, 63
Контактлар: info@stat.uz
Тел: +99871 203-80-00 (1100, 1101)



¹ CAPI (Computer Assisted Personal Interviewing) – нархлар статистикасида бу маълумот тўплаш усули бўлиб, унда регистраторлар савдо ва хизмат кўрсатиш объектларига бевосита бориб, нархларни қоғоз анкета ўрнига планшет орқали қайд этадилар.

² Ўзбекистонда статистик ҳисоботларни электрон шаклда йиғишга мўлжалланган автоматлаштирилган ахборот тизими.

³ API (Application Programming Interface) – бу турли дастурлар ўзаро мулоқот қилиши ва маълумот алмашишига имкон берувчи дастурий интерфейс, қоидалар, буйруқлар ва воситалар жамғуасидир.

⁴ Веб-ресурс саҳифаларидан маълумотларни автоматик равишда қирқиб олиш технологияси.

⁵ CATI (Computer Assisted Telephone Interviewing) – бу компьютер ёрдамида телефон орқали интервью ўтказишга асосланган маълумот тўплаш усули.